



UKA 2018/162

28. oktober 2018

Bentiaraq Ottosen

**Kalaallit Qallunaat Nunaanni ilinniagaqartut ineqarnikkut amerlanernik
periarfissinnejarnissaannut Naalakkersuisut pisariaqartitsinermik inissanillu amerlanernik
pissarsisinnaanermik misissuinissamik peqquneqarnissaannut Inatsisartuni
aalajangiiffisassatut siunnersuut.**

(Inatsisartunut ilaasortaq Mimi Karlsen, Inuit Ataqatigiit)

Siullermik siunnersuuteqartoq Mimi Karlsen, Inuit Ataqatigiit Atassummiit qujaffigaarput.

Nunatta avataani ilinniarneq oqimaasinnaasarloq, inissianik attartortittakkanik imaluuniit kolligenik ineqarniarneq qularnaarneqaqqartarnera Atassummiit erseqqissaassutigaarput. Kisianni tamanna aamma ajornakusoorsinnaasarloq qinnuteqajaarsimangikkaanni. Atassummiit isumaqarpugut ajornartorsiut qaangerneqarsinnaasoq Kalaallit illui aamma Qallunaat nunaani ilinniartut kattuffiat Avalak peqatigineratigut.

Nunatta avataani ilinniarneq tassaavoq imminut napatinnermik saniatigut ilinniagaqarneq, ineqarneq, nerisaqarneq, akiligassanillu akiliinermik qularnaarinnittoq. Taamaattumik ilinniarneq tamakkiisumik ilivitsumillu naammassisinnaaqqullugu ilinniarnerup avatangiisai piareersimaffissaapput.

Kalaallit illui aamma Qallunaat nunaani kommunit nunatta avataani ilinniartut ikiorserneqarnissaat akisussaaffigaat, taamaattumik annerusumik Namminersorlutik Oqartussat aqqutigalugit ajornartorsiutit imaasiallaannaq aaqqiivigisinnaanngilarput.

Inuuusuttut amerlasuut nunatta avataanut ilinniarlutik aallartartut nuannaarutissaraarput, suliassaraarpullu nunatta avataani ilinniartut ilinniakkaminnik naammassinnillutik nunatsinnut suliffissaqarlutik uternissaat.

Qallunaat nunaanni ilinniartup peqquteqavilluni ikiorserneqarnissani piumappagu tuaviortumik iliuuseqapallattoqartartoq isumaqarpugut. Suliat tamakkua atutereertut isumaqarpugut.

Atassummiit ataatsimiisitaliami qulaajarneqarluarnissaa anguniarlugu siunnersuut innersuupparput.